

Puyuh penelur dari umur 1 - 21 hari, boleh diberikan makanan permulaan bentuk ‘mash’ yang mengandungi 19% protein kasar. Kemudian dari umur 22 hari sehingga ditakai, boleh diberi makanan jenis ayam penelur yang mengandungi 20 % protein kasar dan 3.3 - 3.9% kalsium.



PENGURUSAN KESIHATAN

Untuk menjamin agar ternakan puyuh sentiasa sihat dan mempunyai prestasi tinggi dari aspek pengeluaran daging atau telur, pengurusan yang baik ke atas persekitaran harus diberi keutamaan. Pengurusan yang dimaksudkan adalah pemberian makanan dan minuman yang berkualiti dan mencukupi, memastikan agar kebersihan kandang dan lantai adalah pada tahap yang terbaik, serta suhu dan pengudaraan dalam kandang yang sesuai.

Berbanding dengan ayam, ternakan puyuh mempunyai ketahanan serangan berbagai penyakit unggas. Bagaimanapun penternak harus mengelakkan burung puyuh terdedah kepada ‘stress’ yang disebabkan oleh bunyi bising dan pertukaran jenis makanan secara mendadak kerana ini akan menurunkan pengeluaran telur. Penjagaan ditumpukan bagi mengelakkan puyuh kesusukan khususnya pada peringkat umur 1 – 14 hari untuk menghindarkan kematian yang tinggi.

PRODUK

Hasil utama dalam penternakan puyuh adalah telur dan daging. Berbagai menu masakan boleh dihasilkan, antaranya puyuh goreng, sambal goreng puyuh, golek puyuh pedas, sup telur puyuh dan sebagainya.



Puyuh Goreng



Telur Puyuh

BURUNG PUYUH (QUAIL)



- ❖ Mudah dipelihara.
- ❖ Boleh dipasarkan untuk mendapatkan daging pada umur 6 minggu.
- ❖ Memberikan pendapatan lumayan.
- ❖ Daging yang enak dan berkhasiat.



**JABATAN PERKHIDMATAN HAIWAN
DAN PERUSAHAAN TERNAK
SABAH**

Tel: 088-287400; Fax: 088-238418
Laman Web: <http://www.sabah.gov.my/hwan>

“Pertanian Adalah Perniagaan”

BAKA DAN KAE DAH PEMBIAKAN



JPHPT Sabah mempunyai beberapa baka burung puyuh antaranya Puyuh Perancis, Puyuh IKTA, Puyuh Jepun, Puyuh Bob White dan Puyuh English.



Puyuh jantan boleh dikenali dengan bulu berwarna coklat (cinnamon) di bahagian atas leher dan di bawah dada. Puyuh betina pula kelihatan sama seperti puyuh jantan, kecuali bulu di leher dan bahagian atas dada adalah panjang, lurus dan berwarna cerah; bulu di dada pula berbintik hitam. Ciri-ciri ini mudah diperhatikan apabila puyuh berumur 3 minggu.

Kaedah pembiakan adalah pembiakan semulajadi, dimana nisbah campuran jantan-

betina adalah 1:3. Puyuh pembiak boleh ditakai apabila berumur antara 18 – 24 bulan.

PENGELUARAN

Puyuh betina mula bertelur pada umur 42 hari, dan puncak pengeluaran telur ialah pada umur antara 11 – 13 minggu. Peratus pengeluaran pada waktu puncak pengeluaran boleh mencapai sehingga 90%. Jangkamasa penetasan telur ialah 16 – 17 hari. Puyuh Jepun betina misalnya, boleh menghasilkan telur dari 280 – 300 biji setahun. Hampir 70% telur dihasilkan antara jam 3 – 6 petang.

Bulu di badan ternakan puyuh lengkap sepenuhnya apabila puyuh berumur antara 3 – 4 minggu. Puyuh boleh mula disembelih atau dipasarkan setelah berumur 42 hari. Apabila berumur 42 hari, Puyuh Jepun dan Puyuh Perancis masing-masing boleh mencapai berat badan hidup 130g dan 208g, dan jumlah penggunaan makanan ialah 567g dan 747g.

Peratus karkas sedia untuk dimasak bagi Puyuh Jepun dan Puyuh Perancis adalah 68.5% dan 78.0%. Berat sebiji telur puyuh adalah antara 11g hingga 13g.

SISTEM PENTERNAKAN

Ternakan puyuh sesuai diternak secara ‘intensif’ atau berkursteng. Kaedah ini memudahkan pemberian makanan, penakaian dan pemungutan telur. Selain itu, ternakan terhindar dari musuh, terlindung dari panas matahari dan hujan; maka itu mengurangkan kematiian.

Sistem intensif boleh dibahagikan kepada sistem lantai bawah bersarap, sistem berlantai atas dan sistem sangkar.

PERUMAHAN

Sistem Lantai Bersarap dan *Sistem Lantai Atas* lebih sesuai untuk puyuh pedaging dan puyuh membesar. Manakala Sistem Sangkar sesuai untuk puyuh penelur dan pembiakan.

Dalam sistem sangkar, ruang minima yang diperlukan ialah 105 sm² setiap seekor puyuh. Untuk mengelakkan puyuh melompat yang Memungkinkan berlakunya kecederaan, Ketinggian sangkar haruslah kurang daripada 0.3m.

Sangkar :



PEMAKANAN

Ternakan puyuh boleh diberikan makanan komersil yang diberikan kepada ayam pedaging atau ayam penelur, seperti makanan permulaan ayam pedaging dan ayam penelur.

Puyuh pedaging berumur antara 1 -21 hari boleh diberikan makanan bentuk ‘mash’ dan yang mengandungi 21- 23% protein kasar. Apabila berumur 22 hari hingga 42 atau 56 hari, boleh diberikan makanan Bentuk ‘crumbles’ yang mengandungi 18 – 20% protein kasar.